

# ভারতীয় দর্শন

জৈন স্যাদবাদ

# স্যাঁদবাদ বা সপ্তভঙ্গিনয়

- জৈনমতে ংকটি বস্তুর অসংখ্য গুণ বা ধর্ম আছে । সাধারণ মানুষ তার সীমিত জ্ঞানের সাহায্যে বিশেষ বিশেষ সময়ে বস্তুর বিশেষ বিশেষ গুণ বা ধর্মকে জানতে পারে ।
- সসীম বা সীমাবদ্ধ জীবের পক্ষে ংকাধারে বস্তুর সব গুণ জানা সম্ভব নয় । কেবলমাত্র সব স্ত পুরুষ তাঁর কেবলজ্ঞানের দ্বারা বস্তুর অসংখ্য গুণ বা ধর্মকে জানতে পারেন ।
- অপূর্ণ মানুষ ংকটি বিশেষ সময়ে কোন ংকটি বিশেষ দৃষ্টিভঙ্গি থেকেই বস্তু দেখে থাকে । ংই কারণে বস্তুর ংকটি বিশিষ্টধর্মই সে জানতে পারে । কোন ংকটি বস্তুর অনন্তধর্মের মধ্যে ংরূপ ংকটি বিশিষ্টধর্মের জ্ঞানকে বলে ‘নয়’ । তাই জৈনমতে ‘নয়’কে ংংশিক জ্ঞানও বলা হয়ে থাকে ।
- তবে যে দৃষ্টিকোণ থেকে ধর্মট জ্ঞাত হয় সেই দৃষ্টিকোণ থেকে জ্ঞানটি যথার্থ । কিন্তু বস্তুর সামগ্রিক জ্ঞান হিসেবে ংটি যথার্থ নয় ।
- জ্ঞানের ংই ংপেক্ষিকতা সম্বন্ধে ংমরা অবহিত থাকি না বলেই ংমাদের মধ্যে কলহ ংং মত বিরোধ দেখা দেয় ।

# হাতি সম্পর্কে অন্ধ ব্যক্তিদের অবধারণ

জ্ঞানের এই আপেক্ষিকতার বিষয়টিকে সুস্পষ্ট করার জন্য জৈনগণ কয়েকজন অন্ধ ব্যক্তির হাতি দেখার দৃষ্টান্তকে উপস্থাপন করেন। কয়েকজন অন্ধ ব্যক্তি একটি হাতির বিভিন্ন অঙ্গ স্পর্শ করে যে জ্ঞান লাভ করে তা তারা ভিন্ন ভিন্ন ভাবে প্রকাশ করে।

- যে ব্যক্তি হাতির পা স্পর্শ করে তার মতে হাতি স্তম্ভের মতো;
- যে ব্যক্তি হাতির কান স্পর্শ করে তার মতে হাতি কুল্লার মতো;
- যে হাতির দেহ স্পর্শ করে তার মতে হাতি পাহাড়ের মতো;
- যে হাতির শুঁড় স্পর্শ করে তার মতে হাতি লতার মতো।

বিভিন্ন অন্ধ ব্যক্তির এই অবধারণগুলি আপাতদৃষ্টিতে বিরোধমূলক। আপাতদৃষ্টিতে মনে হয় যে প্রতিটি ব্যক্তির অবধারণই পরিপূর্ণ সত্য। কিন্তু বহুতপক্ষে তাদের অবধারণগুলি আপেক্ষিক এবং আংশিক সত্যকে প্রকাশ করে। অন্ধ ব্যক্তিগণ যখন তাদের অবধারণের আপেক্ষিকতা সম্বন্ধে ওয়াকিবহাল হবে, তখন তারা প্রকৃত সত্যকে উপলব্ধি করবে এবং তাদের অবধারণগুলির মধ্যে আপাত পারস্পরিক বিরোধিতা দূর হবে। এইরূপ জ্ঞান প্রকাশক অবধারণ বা পরামর্শকেও 'নয়' বলা হয়।

## হাতির সম্পর্কে অবধারণ ও দার্শনিক তত্ত্বের আংশিক প্রকাশ

অন্য ব্যক্তিদের হাতি দেখার উপরিউক্ত দৃষ্টান্তকে ভিত্তি করে জৈনদর্শন তাদের দার্শনিক তত্ত্বকে প্রকাশ করেছে। জগৎ ও জীবন সম্বন্ধে বিভিন্ন দার্শনিক সম্প্রদায় বিভিন্ন মত ব্যক্ত করেছেন। এই সব ভিন্ন ভিন্ন মতের মধ্যে আপাত বিরোধ পরিলক্ষিত হয়। এই বিরোধের কারণ, আমরা বিভিন্ন মতের আপেক্ষিকতা ভুলে যাই। বিভিন্ন দার্শনিক সম্প্রদায়ে বিভিন্ন দৃষ্টিকোণ থেকে জগৎ ও জীবনের বিভিন্ন দিক সম্পর্কিত কোন বর্ণনাই পরিপূর্ণ বা এককভাবে সত্য নয়। প্রতিটি দার্শনিক মতই জগৎ ও জীবনের এক একটি বিশেষ দিককে প্রকাশ করে।

# স্যাঁদবাদ

যৌক্তিক দিক থেকে জৈনগণ অবধারণের আপেক্ষিকতা বোঝাবার জন্য অবধারণের পূর্বে আপেক্ষিকতা সূচক 'স্যাঁৎ' শব্দটি ব্যবহার করেন। জৈনদের তর্কশাস্ত্রের একটি মূল কথা হলো স্যাঁৎ-বাদ (relativity of knowledge)।

স্যাঁদবাদের মূল কথা হচ্ছে- বস্তু বা সত্তার স্বরূপ বহুমুখী, তাই বিভিন্নভাবেই তা বর্ণিত হতে পারে। এর মধ্যে কোন বর্ণনাই মিথ্যা নয়, আবার কোন বর্ণনাই একমাত্র সত্য নয়। যহেতু সত্তার বহুমুখী দিক বা স্বরূপ সম্বন্ধে সামগ্রিক উক্তি একমাত্র পূর্ণ জ্ঞানীর পক্ষেই সম্ভব, তাই সাধারণ দৃষ্টিতে প্রত্যেক বিষয়ে আমাদের প্রতিটি উক্তিই শেষ পর্যন্ত সম্ভাবনামূলক এবং এই সম্ভাবনার নির্দেশক শব্দ হলো স্যাঁৎ।

স্যাঁৎ মানে কোনভাবে সম্ভব। 'স্যাঁৎ' শব্দের ব্যুৎপত্তিগত অর্থ হলো 'হয়তো' বা 'হতে পারে'। ব্যাকরণের দিক থেকে 'স্যাঁৎ' শব্দ সম্ভাবনানির্দেশক। কিন্তু 'জৈন দার্শনিকগণ' স্যাঁৎ' শব্দটিকে এই অর্থে গ্রহণ করেননি। বরং জৈন দর্শনে এই শব্দটি প্রকাশিত অবধারণ ভিন্ন অন্য অবধারণের সম্ভাবনা নির্দেশক।

স্যাঁৎ-বাদ বুঝাতে জৈনাচার্যগণ সাতটি বাক্যের প্রয়োগ করেন। প্রত্যেক বাক্যকে এক একটি 'ভঙ্গি' নামে ডাকা হয়। সেকারণে সাত প্রকার বাক্যকে একত্রে সপ্তভঙ্গি বলা হয়। এর পূর্ণনাম 'সপ্তভঙ্গিনয়'।

## সপ্তভঙ্গিনয়

- (১) স্যাৎ অস্তি (সম্ভবত আছে),
- (২) স্যাৎ নাস্তি (সম্ভবত নেই),
- (৩) স্যাৎ অস্তি চ নাস্তি চ (সম্ভবত আছেও, নেইও),
- (৪) স্যাৎ অব্যক্তব্যম্ (সম্ভবত অবক্তব্য),
- (৫) স্যাৎ অস্তি চ অব্যক্তব্যম্ চ (সম্ভবত আছেও অবক্তব্যও),
- (৬) স্যাৎ নাস্তি চ অব্যক্তব্যম্ চ (সম্ভবত নেইও অবক্তব্যও),
- (৭) স্যাৎ অস্তি চ নাস্তি চ অব্যক্তব্যম্ চ (সম্ভবত আছেও, নেইও, অবক্তব্যও) ।

## (১) স্যাং অস্তি :

‘স্যাং অস্তি’ হলো জৈন যুক্তিবিজ্ঞানের সকল প্রকার সদর্থক অবধারণের সাধারণ রূপ। সদর্থক অবধারণ কোন একটি বস্তুতে কোন একটি গুণ বা ধর্মের অস্তিত্বকে নূচনা করে।

যেমন, প্রথম অবধারণ এর দৃষ্টান্ত হলো ‘ফলটি সবুজ’।

এই অবধারণ প্রকাশ করতে গিয়ে জৈন দার্শনিকরা বলেন

‘হয়তো ফলটি সবুজ’

এর অর্থ হলো কোন নিদিষ্ট স্থানে ফলটি সবুজ হলেও, সবসময় ফলটি সবুজ নাও হতে পারে। এই কারণে সব সদর্থক অবধারণের সাধারণ রূপ হলো ‘স্যাং অস্তি’।

## (২) স্যাং নাস্তি :

দ্বিতীয়ত, 'স্যাং নাস্তি' হলো জৈন যুক্তিবিজ্ঞানের সকল প্রকার নঞর্থক অবধারণের সাধারণ রূপ। নঞর্থক অবধারণ কোন একটি বস্তুতে কোন একটি গুণ বা ধর্মের অনস্তিত্ব নূচনা করে। যেমন, নিষেধাত্মক অবধারণের দৃষ্টান্ত হলো 'ফলটি সবুজ নয়'। এই পরামর্শটিকে প্রকাশ করতে গিয়ে জৈন দার্শনিকরা বলেন

‘হয়তো ফলটি সবুজ নয়’।

এর অর্থ হলো কোন বিশেষ সময়ে কোন বিশেষ দৃষ্টিভঙ্গি থেকে ফলটি সবুজ হলেও সবসময় ফলটি সবুজ নাও হতে পারে। এই কারণে জৈনমতে সব নঞর্থক পরামর্শের সাধারণ রূপ হলো 'স্যাং নাস্তি'।



## (৩) স্যাৎ অস্তি চ নাস্তি চ :

তৃতীয় প্রকার 'স্যাৎ অস্তি চ নাস্তি চ' একই সঙ্গে একটি বস্তুর সদর্থক ও নঞর্থক ধর্ম বা গুণ প্রকাশক অবধারণের সাধারণ রূপ। জৈনমতে সদর্থক অবধারণ যেমন একটি বস্তুতে কোন একটি ধর্ম বা গুণের স্বীকৃতি বোঝায়, তেমনি নঞর্থক অবধারণ সেই বস্তুতে অপর কোন ধর্ম বা গুণের অস্বীকৃতি বোঝায়। এই দুইপ্রকার অবধারণ ছাড়াও একটি অবধারণ একই সঙ্গে একই স্থানে কোন একটি বস্তুতে কোন একটি ধর্মের স্বীকৃতি ও অন্য একটি ধর্মের অস্বীকৃতি বোঝাতে পারে। এইরূপ ক্ষেত্রে অবধারণটি স্বীকৃতি ও অস্বীকৃতির সংযুক্ত রূপ পরিগ্রহ করে। যেমন, উদাহরণস্বরূপ, পরামর্শটি হলো 'ফলটি সবুজ আবার সবুজ নয়'। জৈন মত অনুযায়ী প্রকাশ করতে হলে বলতে হবে

‘হয়তো ফলটি সবুজ এবং সবুজ নয়’।

একটি ফল প্রথমে সবুজ থাকে, পরে পাকলে হলদে হয়ে যেতে পারে। অর্থাৎ আবার সবুজ নাও থাকতে পারে। কোন বস্তুর ভিন্ন ভিন্ন অবস্থা প্রকাশ করতে হলে অথবা বস্তুর সদর্থক ও নঞর্থক ধারণাকে সামগ্রিকভাবে জানতে হলে এই জাতীয় পরামর্শের সাধারণ রূপ হলো 'স্যাৎ অস্তি চ নাস্তি চ'।

## (৪) স্যাৎ অবজ্যম্ :

জৈন যুক্তিবিজ্ঞান-স্বীকৃত চতুর্থ প্রকার অবধারণের রূপ হলো 'স্যাৎ অবজ্যম্'। স্থান-কাল নিরপেক্ষভাবে সর্বাবস্থায় কোন একটি বস্তুতে কোন একটি ধর্মের গীর্গতি বা অগীর্গতি সাব নয়।

যেমন, ফলটি কখনো সবুজ, কখনো হলুদ, এই অবস্থায় যদি কেউ প্রশ্ন করে যে, সকল অবস্থায় ফলটির বর্ণ কী? সেক্ষেত্রে বলতে হবে যে,

সকল অবস্থায় ফলটির বর্ণ কী তা বলা যায় না। অত্যাৎ তা হলো অবজ্যম্।।

এই কারণে চতুর্থ পরামর্শের সাধারণ রূপ হচ্ছে 'স্যাৎ অবজ্যম্'।

অন্যদিকে, উক্ত বক্তব্যের দ্বারা বোঝানো হয় যে এমন অনেক দার্শনিক সমস্যা আছে যার সরাসরি কোন উত্তর দেয়া সম্ভব নয়। এছাড়া, পরস্পর বিরুদ্ধ ধর্ম একই বস্তুতে আরোপ করা চলে না- জৈন দার্শনিকরা এই সত্য স্বীকার করেন এবং সেই কারণে জনরা বিরোধবাহক নিয়ম ভঙ্গ করেন- এই অভিযোগ সত্য নয়। বরং একথা বলা চলে যে, বিরোধবাহক নিয়ম তাঁরা মেনে চলেন। সেই কারণেই তাঁরা স্বীকার করেন যে পরস্পর বিরুদ্ধ দু'টি ধর্মকে একই দৃষ্টিভঙ্গি থেকে কোন বস্তুর উপর একই সময়ে আরোপ করা চলে না।

## (৫) স্যাং অস্তি চ অবজ্ঞব্যম্ চ :

জৈনদের পঞ্চম প্রকার অবধারণের সাধারণ রূপ হলো ‘স্যাং অস্তি চ অবজ্ঞব্যম্ চ’। প্রথম প্রকার অবধারণের সঙ্গে চতুর্থ প্রকার অবধারণ যুক্ত করলে এই অবধারণটি পাওয়া যায়। দেশ-কাল সাপেক্ষে যখন কোন একটি বস্তুতে কোন একটি গুণ বা ধর্মের স্বীকৃতি বাঝানো হয় এবং দেশ-কাল নিরপেক্ষভাবে ঐ বস্তুটিকে অবর্ণনীয় বলে প্রকাশ করা হয়, তখন এইরূপ অবধারণের উদ্ভব হয়।

যেমন, ফলটি বিশেষ বিশেষ সময়ে সবুজ। কিন্তু সব অবস্থায় ফলটি কী রকম তা বর্ণনা করা যায় না। এই কারণে জৈনরা বলেন

‘হয়তো ফলটি সবুজ এবং অবজ্ঞব্য’।

## (৬) স্যাৎ নাস্তি চ অবজ্ঞব্যম্ চ :

জৈনদের ষষ্ঠ প্রকার অবধারণের সাধারণ রূপ হলো ‘স্যাৎ নাস্তি চ অবজ্ঞব্যম্ চ’। দ্বিতীয় প্রকার অবধারণের সঙ্গে চতুর্থ প্রকার অবধারণ যুক্ত করলে এই অবধারণটি পাওয়া যায়। এই প্রকার অবধারণের ক্ষেত্রে দেশ-কাল সাপেক্ষে একটি বস্তুতে কোন ধর্মের অবিন্যমানতা এবং দেশ-কাল নিরপেক্ষভাবে ঐ ধর্মের অবর্ণনীয়তাকে প্রকাশ করা হয়।

যেমন, উদাহরণস্বরূপ, ফলটি সময় বিশেষে সবুজ নয়, কিন্তু সব অবস্থায় ফলটি কী রকম তা বর্ণনা করা যায় না। এই কারণে এই পরামর্শটিকে প্রকাশ করতে হলে আমাদের বলতে হয়

‘হয়তো ফলটি সবুজ নয় এবং অবজ্ঞব্য’।

## (৭) স্যাৎ অস্তি চ নাস্তি চ অবজ্ঞব্যম্ চ :

জৈনদের সপ্তম প্রকার অবধারণের সাধারণ রূপ হলো ‘স্যাৎ অস্তি চ নাস্তি চ অবজ্ঞব্যম্ চ’। তৃতীয় প্রকার অবধারণের সঙ্গে চতুর্থ প্রকার অবধারণ যুক্ত করলে এই অবধারণটি পাওয়া যায়। কোন একটি বস্তুতে নির্দিষ্ট স্থানে ও কালে যখন কোন একটি গুণ বা ধর্মের স্বীকৃতি আবার ভিন্ন কোন স্থানে বা কালে ঐ বস্তুতে ঐ ধর্ম বা গুণের অস্বীকৃতি এবং দেশ-কাল নিরপেক্ষভাবে ঐ বস্তুর অবগম্যতাকে প্রকাশ করা হয় তখন এইরূপ অবধারণের উদ্ভব হয়। যেমন, ফলটি সময় বিশেষে সবুজ অথবা সময় বিশেষে সবুজ নয় এবং সব অবস্থায় ফলটি কী তা বলা যায় না। এই বক্তব্য প্রকাশ করতে বলা হয়েছে

‘হয়তো ফলটি সবুজ এবং সবুজ নয় এবং অবজ্ঞব্য’।

## সাধারণ আলোচনা/মন্তব্য

স্যাৎ-বাদকে সন্দেহবাদ (scepticism) বলা যায় না। কেননা সন্দেহবাদ জ্ঞানের সম্ভাবনায় সন্দেহ করে। কিন্তু জৈনগণ জ্ঞানের সম্ভাবনার সত্যতায় বিশ্বাস করেন। তাঁরা পূর্ণ জ্ঞানের সম্ভাবনাতেও বিশ্বাস করেন। সাধারণ জ্ঞানের সম্ভাবনায় স্যাৎবাদ সন্দিগ্ধ নয়। অতএব স্যাৎবাদকে সন্দেহবাদ বলা সঙ্গত নয়।

জৈনমতে স্থান, কাল ও দৃষ্টিকোণের উপর জ্ঞান ও জ্ঞানের আকার নির্ভর করে। সেকারণে স্যাৎবাদকে সাপেক্ষবাদ বলা যায়। জৈনমতে বস্তুর অনন্ত গুণ স্বীকার করা হয়। এই গুণ দ্রষ্টা বা জ্ঞাতার উপর নির্ভর করে না, কিন্তু গুণগুলির স্বতন্ত্র সত্তা আছে। জেয় বস্তু জ্ঞানের উপর বা জ্ঞাতার মনের উপর আদৌ নির্ভরশীল নয় অর্থাৎ জেয় বস্তুর জ্ঞাননিরপেক্ষ স্বতন্ত্র সত্তা আছে বলে জৈন দার্শনিকগণ বিশ্বাস করেন। তাঁরা বস্তুর বাস্তবিকতায় বিশ্বাসী। এরূপ মতবাদ বস্তুবাদের (realism) তুল্য এবং তাই ভারতীয় দর্শানে জৈনগণকে বস্তুবাদী দার্শনিকের তুল্য পয়গেয়ে বিবেচনা করা যেতে পারে বলে কেউ কেউ এ অভিমত ব্যক্ত করেন।

# স্যাৎবাদের সমালোচনা

স্যাৎবাদের বিরুদ্ধে বিভিন্ন দার্শনিকের পক্ষ থেকে অনেক সমালোচনা করা হয়েছে। যেমন-

১) বৌদ্ধ ও বেদান্তী দার্শনিকরা স্যাৎবাদকে বিরোধাত্মক সিদ্ধান্ত হিসেবে অভিহিত করেছেন। জৈনগণ বিরোধাত্মক গুণকে একসাথে সমন্বয় করেছেন। রামানুজের মতে সত্তা ও নিঃসত্তাকে পরস্পর বিরুদ্ধ ধর্ম আলো ও অন্ধকারের মতো একত্রিত করা যায় না। শঙ্করাচার্যের মতে (ব্রহ্মসূত্র: ২/২/৩৩) যে পদার্থ অবজ্ঞব্য তা কিভাবে বলা যায়। বলা হচ্ছে এবং বলা যায় না, এই দু'টি কথা পরস্পর বিরোধী। সেকারণে তিনি স্যাৎবাদকে পাগলের প্রলাপ বলেছেন।

২) বেদান্তী দার্শনিকদের মতে স্যাৎবাদ অনুযায়ী যদি সকল বস্তুই সম্ভবমাত্র হয়, তবে স্যাৎবাদ স্বয়ংই সম্ভবমাত্র হয়ে যাবে। ফলে স্যাৎবাদ হতেও পারে নাও হতে পারে। কিন্তু এরূপ কোন সিদ্ধান্ত সমীচীন হতে পারে না।

৩) মীমাংসা দার্শনিক কুমারিল ভট্ট প্রমুখ সমালোচক মনে করেন, জৈনদের সপ্তভঙ্গি নয়ের শেষ তিন প্রকার নয় অপ্ৰয়োজনীয় ও বাহুল্যমাত্র। সেগুলি কেবল প্রথম, দ্বিতীয় ও তৃতীয় নয়ের সঙ্গে চতুর্থ নয়ের সংমিশ্রণ। এজাতীয় সংযুক্তি যদি স্বীকার করা হয় তাহলে এভাবে শত শত নয় পাওয়া সম্ভব। তাই কেবলমাত্র প্রথম চারটি নয়ের যৌক্তিকতা স্বীকার করা যেতে পারে।

# স্যাৎবাদের সমালোচনা

৪) প্রথম চারপ্রকার নয়ও জৈনরা আবিষ্কার করেন নি। বেদান্ত দর্শানে চারটি ক্রোড়ী কথার বর্ণনা করা হয়েছে- সৎ, অসৎ, সদসৎ ও সদসৎ ভিন্ন। বৌদ্ধ দর্শানেও এই চারটি ক্রোড়ী ভিন্ন তত্ত্বকে শূন্য বলে ঘোষণা করা হয়েছে। এ কারণে জৈন সিদ্ধান্ত নতুন কোন তত্ত্ব নয়।

৫) স্যাৎবাদ অনুসারে আমাদের সকল কিছু সাপেক্ষ ও আংশিক। জৈনগণ কেবল সাপেক্ষকে স্বীকার করেন, নিরপেক্ষ সত্তা স্বীকার করেন না। নিরপেক্ষের অভাবে স্যাৎবাদের সাতটি পরামর্শ অসম্পূর্ণ থেকে যায় তাদের সমন্বয় সম্ভব নয়।

৬) জৈনদর্শানে কেবলজ্ঞানে বিশ্বাস করা হয়েছে। কেবলজ্ঞান সত্য, বিরোধশূন্য ও সংশয়শূন্য মনে করা হয়। এই জ্ঞানকে সর্বশ্রেষ্ঠ মনে করা হয়। কিন্তু কেবলজ্ঞানে বিশ্বাস করে জৈনগণ নিরপেক্ষ জ্ঞানে বিশ্বাস করেছেন। তাঁরা বিভিন্ন সাপেক্ষ সত্যের সমাহারকে পূর্ণ সত্য বলে উল্লেখ করেছেন। কিন্তু বিভিন্ন সাপেক্ষ সত্য যোগ করলে কি করে নিরপেক্ষ বা পূর্ণ সত্য পাওয়া যায় তা বোঝা যায় না। জৈনরা দিয়েছেন ভেদ ও অভেদের জ্ঞান। ভেদের মধ্যে অভেদের ব্যাখ্যা তাঁরা দিতে পারেন নি। ফলে সাপেক্ষতার নামান্তর এই স্যাৎবাদ সিদ্ধান্তটি অসঙ্গত হয়ে যায়।